

Primjer za sve u ophođenju sa mladima

Čista desetka za gospodina Neđu od studenata Univerziteta Apeiron

„ U vrijeme kada mladi i stari gube nit razumijevanja, u vremenu u kome živimo dobar dokaz da nije sve tako crno, da nije sve tako loše i da se generacije mogu dobro razumjeti, je prisutna na Univerzitetu Apeiron u Banja Luci“

Pripremila: Nadina Đerahović M.

Gospodin Nedeljko Nedo Čeranić, domar Univerziteta Apeiron, osim ovog posla obavlja još jedan zadatak. Naime, on na Univerzitetu usmjerava studente u učionice i sale za predavanja, kao i održavanje ispita. Kroz dugogodišnji rad na Univerzitetu i sa svojim blagim i lijepim ponašanjem, prijatnim obraćanjem i vještom komunikacijom sa mladima jednostavnim riječima osvojio je simpatije studenata i osoblja Univerziteta Apeiron. Tim povodom i studenti kao gest zahvalnosti i poštivanja za Nedino nesebično zalaganje komentarisali su njegovo ponašanje na forumu Univerziteta Apeiron na Facebook-u gdje se bilježe izjave poput: „ Nedo legendo“ , „ Svaka ti čast“ , „ Puno ti hvala, ti si naša studentska raja“ itd.

Hvala studentima Univerziteta Apeiron

Gospodin Nedo kao čovjek i osoba sa životnim iskustvom pokazao je na jedan vrlo pozitivan način kakav u biti treba da bude spoj mladih i starih, te da stariji ljudi mogu biti atraktivni i „ u folu“ sa mladim ljudima u svakom trenutku. Bilo bi dobro kada bi mnogi profesori širom BiH družili se malo sa čika Nedom i osjetili taj šarm i osjećaj za mlade i na taj način približili se mladima. Vjerujemo da bi svi profesori širom BiH mogli uzeti za primjer gospodina Neđu i prilikom ocjenjivanja od strane studenata imali bi ocjenu 10 ! Kolege iz časopisa STUDENT ovim putem se zahvaljuju studentima Univerziteta Apeiron na pisanju ovakvog teksta i bilo bi nam drago da se u našim novinama nade još ovakvih tekstova koji govore na jedan

sličan način o osobama koje su ostavile utisak na njih kao što to je to čika Nedo. U ime redakcije sve pohvale i čestitke čika Nedi.



Čika Neđa